

IAen manifestaldiaren ostean izandako kalteengatik salaketa jarri du EHUK

Unibertsitateak lau milioi t'erdi pezetako balorazioa egin du osteguneko kalteez

Azaroaren 2an ikasle Abertzaleek Leioako kanpusean egindako manifestaldiaren ondoren izan ziren kalteengatik salaketa aurkeztu zuen atzo EHUK Ertzaintzaren Erandioko komisaldegian. Unibertsitateak ia 4,5 milioi pezetan baloratu ditu egun horretan eragindako kalteak.

Erredakzioa / Bilbo

IKASLE Abertzaleak (IA) taldeak Protecsa enpresako zinpeko goardien presentziaren aurka protestatzeko joan den azaroaren 2an Leioako Kanpusean egindako manifestaldia era baketsuan garatu zen. 'Autoritarismoari kaña' lelopean garatu zen protestaldiak 3.000 ikasle inguru batu zituen, ikasleen erakundeak emandako datuen arabera.

Istiluak manifestaldiaren ostean hasi ziren Errektoretzaren egoitzaren aurrean. Hain zuzen ere, bertan zeuden Protecsako zinpeko goardiak eta zenbait ikasle irainka hasi eta horren ondorioz, ikasleak Errektoregoko kristalak harriekin hautsi zituztenean. Gertakari hauen aurrean, Ertzaintzak esku hartu zuen eta istiluak Kanpus osora hedatu ziren.

Kalte handienak Unibertsitateko organo exekutiboko egoitzan eta Gizarte eta Informazio Zientzien fakultate ondoan dagoen kafetegi nagusian izan ziren.

Unibertsitateak «ekintza basati hutstza» jo zituen gertakariak eta gogor salatu zituen kanpuseko eraikuntza ezberdinetan izandako kalte «handiak». EHUK sei egun behar izan ditu kalteok



Ikasle Abertzaleak-ek numerus claususen kontra irailean Bilbon egindako protesta.

XOUSE SIMAL

aztertze eta azkenean, 4,5 milioi pezetan (57.760 libera inguru edo) baloratu ditu.

Unibertsitateak honela banatu ditu egun horretan izandako kalteak eta hauen kostua: 1.044.000 pezeta zenbait eraikuntzetako —Errektoregoa, kafeteria eta BBKko bulegoa— beiren apurketagatik; 200.000 pezeta kanpuseko segurtasun enpresaren eta Ertzaintzaren aurkako pintada eta hauen garbiketagatik; 2.700.000 pezeta altzari apurketagatik, 240 aulki eta 60 mahai; eta azkenik, 500.000 pezeta kafetegi nagusiko tresnariaren apurketagatik.

Kalte guztiak zehaztu eta baloratu ondoren, Unibertsitateak salaketa bat jarri zuen atzo Ertzaintzaren Erandioko komisal-

degian. Salaketa IA ikasle taldeak deitutako manifestaldiaren ostean eragindako kalteengatik da eta orain epaileak erabaki beharko du nor den kalte hauen erantzule.

Etzi bilduko da Gobernu

Batzordea • Bestalde, atzo bildu zen Errektoretza taldeak etziraiko deitu du Gobernu Batzordea. Unibertsitateko exekutiboak errektore berria aukeratzeko hauteskunde egutegi berria aztertuko du bilera honetan, Pedro Luis Arias errektoregai bakarrak ez aurkeztea erabaki ondoren aurreko prozesua bertan behera gelditu baitzen.

Klaustro berria eratu arte errektore berria aukeratzeko hauteskundeak ez egitearen alde

agertu dira egunotan Unibertsitateko hainbat sektore. Horrela, Juan Jose Goriñaren ordezkioa aukeratzeko prozesua otsaila edo martxora arte atzeratuko litza-teke, egungo errektoreak hauteskundeak Gabonak aurretik egin nahi badiu ere.

Etzi bilduko den Gobernu Batzordeko zenbait kide, Karmen Gallastegi edo Ricardo Alvarez Isasi besteak beste, errektorerako hauteskundeak atzeratzearen alde agertu dira. Gallastegiren ustez, «gertatutakoaren ostean hobe da gauzak lasai egin eta finkatu arte itxarotea».

Alvarez Isasi ere hauteskundeak otsaila edo martxora atzeratzearen aldekoa da, «atzerape-nak EHUK egonkortasun hani-dagoa emango liokeelako». X

Oliveri eskola mapari buruzko azalpenak ematen ari zaie hezkuntza arloko agenteei

■ Alderdi politiko, sindikatu eta gurasoen elkarteetako ordezkarien biltzen ari da

Erredakzioa / Donostia

ESKOLA MAPA dela-eta, Euskal Autonomi Elkarte (EAE) irakaskuntza munduko sektore ezberdinetako ordezkari-ekin bilerak egiten ari da Inaxio Oliveri Jaurlaritzako Hezkuntza sailburua. Halaxe jakinarazi zuen atzo Gobernu Bileraren osteko prentsaurrekoan Mari Karmen Garmendia Kultura sailburua.

Atzoko Gobernu bileran gaiaren inguruan orain arte egin dituenen berri eman zien Oliverik gainerako sailburuei, eta lanerako erabili dituen irizpideak biltzen dituen txosten bana emanaz. Halaber, joan den astean eta egunotan eskola mapari buruzko azalpenak emateko hezkuntza munduan zeresana duten hainbat agenterekin bildu dela eta biltzen ari dela jakinarazi zien Gobernu-kideei. Besteak beste, alderdi politikoekin, sindikatu-ekin, guraso elkarteekin eta oro har irakaskuntza arloko ordezkari-ekin ari da biltzen Oliveri.

Bilera sorta hau amaitzen duenean, eskola maparen inguruko xehetasunak gehago zehazten dituenen, berriro aztertuko du Gobernu Batzordeak aipatutako gaia. X

Eraikuntzarako ingeniari eskola irekiko da datorren sartzean Angelun

L.F. / Baiona

HILABETEKOKO duda mudaren ondotik, Parisko Tituluen Batzordeak onartu du atzo Angeluko Cantau izeneko eskolak egindako eraikuntzarako ingeniari eskola aterbetzeko proiektua. Eskola idekiko da datorren sartzetik Cantau-ko ipar ekialdean dagoen 40 hektareko eremuan eta Akitania Estadao kutxatik 40 milioi libera baztertu zituen proiektu horren-tzat.

Formakuntza asmoa sortu zen 1989an, Hemen elkarte-kideek garapen proiektuak osatu zituztenean. Unibertsitatearen tokia azkartzeko asmoz, ingeniari eskolaren proiektua aurkeztu zuen besteak beste. Proiektua mugaz gainekoa bihurtu da eta Euskadi, Nafarroa eta Pabeko unibertsitateek ikasketak kudeatuko dituzte elkarrekin. Ikasleak mugaz bi aldetakoak izanen dira eta ikasketak burutuko dituzte hiru tokitan, unibertsitate bakoitxak bere gain hartuko baitu era-kaskuntzaren zatia. X

NUPen euskara normalizatzeko eskatuz 'euskaraz' jartzen duten txartel eta pegatinak erantsi dituzte

■ Bihar 12.00etan manifestaldia egingen dute protestarako kanpaldiaren inguruko ekintzen barruan

Irene Arrizurieta / Iruñea

NAFARROAKO Unibertsitate Publikoan (NUP) euskaraz ikas-tekko eskubidea eta kanpusean euskararen normalizazioa aldarrikatzeko aste honetan zehar egiten ari diren ekintzen artean atzo Arrosadiako kanpusean 'euskaraz' esaten zuten pegati-nak jarri zituzten gaztelania hutsean dauden unibertsitateko idazki, iragarki eta seinaleetan. Berriz ere, «Errektoretzaren alde-tik euskararen arazoei irtenbidea emateko inolako borondateirik ez dagoela eta adosten duten gutxia ez dutela aurrera eramaten euskararekiko planifikazio orokor

bat ez dagoelako» salatu zuten Nekazaritza Ingeniaritza Tekni-koko (NIT) euskal adarreko ikas-leek, NUPeko Euskara taldeak eta Ikasle Abertzaleko partaideek (IA). Gainera, ostegunerako ma-nifestaldia iragarri dute.

Atzo emandako prentsaurre-koan erran zuten, unibertsita-teak berak, ekainean egindako Gobernu Batzordean, Nekazari-tza Ingenieritza Teknikoko ikas-ketak euskaraz egiteko eta ze-hazki bost ikasgai euskaraz ema-teko erabakia onartu zuen eta, ardura departamentuen gain utzi. Gauzak horrela, ikasleek Errektoretzara zuzendu ziren ikasturte hasieran eta Ikasleen

errektoreordearekin mintzatu ondoren, honek departamentue-tara bidali zituen.

Departamentuetan euskaraz klaseak emateko unibertsitate bertako jendea prestatu nahi zutela erran zieten eta ez kanpo-ko jendea ekarri eskaerari aurre egiteko. Hau dela eta, ikasturtea hasia da eta «eskaera bat dago euskaraz, baina hori aurrera eramateko aukerarik ez; izan ere, existitzen ez den karrera bat es-kaini digute» salatu dute euska-raz matrikulatu diren NITeko ikasleek.

Ikasleek, Irakasletzakoek lau urte igaro eta gero arazoekin ja-rraitzen dutela ere gogoratu zu-

ten, «euskaraz dauden ikasketa bakarrak aurtan lau espezialita-tetan banatu dituzte».

Ostiral goizera arte ekintza anitz iragarri dituzte aipatu hiru taldeek. Gaur Joseba Tobarren hitzaldia izanen da 12etan 'Eus-kal Herriko ekonomia munduko ekonomiarekin konparatuta' izenburupean eta 19.00etan bi-deo emanaldia eskainiko da uni-bertsitateko kanpusean. Bihar, erdaldunentzat euskarazko kla-seak emanen dira 10etatik 11.30etara, eta 12etan manis-festazioa egingo dute. Ondoren, or-du bietan bazkaria izango dute eta eguna bertso saio batekin bukatuko da. X